

Na osnovu člana 7. Uredbe o kriterijima za utvrđivanje liste eksperata sa koje se imenuju članovi Komisije za izbor državnih službenika ("Službene novine Federacije BiH" broj: 40/14 i 12/19) Agencija za državnu službu Federacije Bosne i Hercegovine objavljuje

JAVNI POZIV

Kandidatima za listu eksperata sa koje se imenuju članovi komisije za izbor rukovodećih i ostalih državnih službenika u organe državne službe u Federaciji Bosne i Hercegovine

1. POTREBNI UVJETI:

Pored općih uvjeta za državne službenike, utvrđenih članom 25. Zakona o državnoj službi u Federaciji Bosne i Hercegovine, („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12) kandidati moraju ispunjavati i sljedeće osnovne uvjete:

1.1. Kandidat za listu eksperata za izbor rukovodećih državnih službenika;

- diploma visokoškolske ustanove,
- najmanje 10 (deset) godina rada u struci,
- prethodno iskustvo u radu ekspertnih, odnosno stručnih komisija i radnih tijela državnih organa, institucija i poslovnih subjekata.

1.2. Kandidat za listu eksperata za izbor ostalih državnih službenika;

- diploma visokoškolske ustanove,
- najmanje 7 (sedam) godina rada u struci,
- prethodno iskustvo u radu ekspertnih, odnosno stručnih komisija i radnih tijela državnih organa, institucija i poslovnih subjekata.

2. POTREBNA DOKUMENTACIJA:

Uz uredno popunjen prijavni obrazac na javni poziv kandidati su dužni dostaviti sljedeću dokumentaciju (u originalu ili ovjerenoj fotokopiji):

- fakultetsku diplomu (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspalom SFRJ nakon 06.04.1992. godine),
- uvjerenje o državljanstvu ili kopija CIPS-ove lične karte
- uvjerenje/potvrdu o radu u struci,
- dokaz o prethodnom iskustvu u radu ekspertnih, odnosno stručnih komisija i radnih tijela državnih organa, institucija i poslovnih subjekata.

Dokumentacija mora biti sačinjena na jednom od službenih jezika u Federaciji Bosne i Hercegovine.

3. Kandidati za listu eksperata se prijavljuju za jedno od sljedećih područja:

- 1) Kanton Sarajevo i Bosansko-podrinjski kanton,
- 2) Tuzlanski i Posavski kanton,
- 3) Zeničko-dobojski i Srednjobosanski kanton,
- 4) Hercegovačko-neretvanski i Zapadnohercegovački kanton
- 5) Kanton 10 i Unsko - sanski kanton

Napomena: Po potrebi, eksperti sa Liste eksperata mogu biti imenovani u Komisiju za izbor i van kantona za koji su se prijavili.

Eksperti se imenuju na period od dvije godine.

Prijavni obrazac za javni poziv kandidati mogu preuzeti na web stranici Agencije za državnu službu Federacije Bosne i Hercegovine [Obrazac za listu eksperata](#).

4. Postupak po ovom pozivu provest će komisija koju imenuje direktor Agencije za državnu službu Federacije Bosne i Hercegovine.

Dokumentaciju iz tačke 2. kandidati su dužni dostaviti u roku od 15 dana od dana posljednje objave, neposredno, u prostorije Agencije ili poštom, preporučeno na adresu:

**Agencija za državnu službu Federacije BiH
Ulica Kulovića 7
71000 Sarajevo
sa naznakom:
“Javni poziv kandidatima za listu eksperata“**

V. D. DIREKTOR

Refik Begić, magistar uprave

